


廣雅疏證
六



A decorative border with a cloud and horse motif at the top. The border consists of a thick black line with intricate white scrollwork and cloud patterns. At the top center, a black silhouette of a horse is depicted in profile, facing left, with a rider or figure on its back. The horse and rider are set against a background of white, swirling cloud-like patterns. The rest of the border is a continuous, repeating pattern of these swirling motifs.

廣雅疏證

(六)

張揖撰
王念孫疏證

廣雅疏證卷八上

魏清河張揖撰

高鄧王念孫疏證

釋器

骸骨骸覈骨也

骨之言覈也說文骨肉之覈也覈與核同骸之言亦核也說文骼禽獸之骨也月令掩骼埋胔鄭注云骨枯曰骼肉腐曰胔蔡邕月令章句云露骨曰骼有肉曰胔骼之言恪也說文恪土乾也一曰堅也義與骼相近說文骸脛也爾雅馬四骸皆白駮郭注云骸膝下也考工記輪人說殺輻之數云參分其股圍去一以爲骸圍鄭衆注云股謂近轂者也骸謂近牙者也方言股以喻其豐故言骸以喻其細人脛近足者細於股謂之骸羊脛細者亦爲骸案骸之言較也爾雅較直也小雅賓之初筵篇殺核維旅蔡邕注典引云肉曰胔骨曰覈

盍覈 觔 皿也

釋名云血滌也出於肉流而穢濃也說文益血也歸妹
上六士剝羊無血僖十五年左傳作無益蠆之言汚蠆
也說文蠆汚血也素問氣厥論云膽移熱於腦則辛頰
鼻淵傳爲衄蠆瞑目蠆與益一聲之轉也上文云帟幪
幪也帟之轉爲幪猶益之轉爲蠆矣說文蝮羊凝血也
或作蠶釋名云血脂以血作之增其酢豉之味使甚苦
以消酒也北堂書鈔引盧諶祭法云春夏秋祠皆用脂
血脂與蝮同北戶錄引證俗音云南方謂凝牛羊鹿血
爲蝮各本皆無蝮字其音釋內有言暗也三字段氏若
膺云言暗當爲苦暗卽蝮字之音也北戶錄引說文蝮
口紺反玉篇音空紺切廣韻集韻音苦紺切口紺空紺
苦紺竝與苦暗同音是苦暗爲蝮字之音因脫去蝮字
僅存苦暗二字苦字又譌作言後人遂
於言暗下妄加也字耳今從段說訂正

膝膈膜也

說文膜肉間胔膜也釋名云膜幕也幕絡一體也內
則注通作莫玉篇膝喉膜也說文膈肉表革裏也

肌膚脊腴膜膈膂膂膂膂膂膂肉也

釋名云肉柔也又云肌慎也膚幕堅慎也膚布也布在表也肴通作馐說文肴啖也初學記引說文肴雜肉也
特牲饋食禮注云凡骨有肉曰馐蔡邕注典引云肉曰肴骨曰馐各本肴馐作者衆經音義卷六卷二十二竝引廣雅肴肉也今據以訂正腍之言啖也北戶錄引字林云腍肴也又引證俗音云今內國猶言餅腍趙策云衣服使之便於體膳啗使之嫌於口啗與腍通說文腍脯也徐錯傳云古謂脯之屬爲腍因通謂儲蓄食味爲腍南史孔靖飲朱高祖無腍取伏雞卵爲肴是也今俗言人家無儲蓄爲無腍恬太元逃次六費我腍功范望注云孰食爲腍焦仲卿妻詩交廣市鮭珍鮭與腍通說文膈腍肉也集韻吳人謂脍魚爲腍膈亦儲蓄之名也膈之言弱也廣韻膈肥腴也急就篇云肌膈脯脂魚臠腥膳之言善也周官膳夫掌王之食飲膳羞鄭注云膳牲肉也少儀云爲已祭而致膳于君子曰膳謂致祭肉也膾通作旅鹽鐵論散不足篇云肴旅重疊燔炙滿案旅之言臠也肥美之稱也藝文類聚引韋昭辯釋名云腹前肥者曰臠聲義與旅相近臠之言健也說文笏筋之本也或作健楚辭招魂肥牛之健膈若芳些王逸注云臠筋頭也內則注云餌筋臠也何氏隱義云臠筋之

大者說文祿社肉盛曰饗故謂之祿天子所曰親遺同
姓引春秋定十四年石尙來歸祿今本祿作脹周官掌
鬻注引作饗云饗之器以饗飾因名焉說文饗宗廟火
孰肉以饋同姓諸侯引僖二十四年左傳天子有事饗
焉今本饗作膳襄二十二年傳作燔定十四年公羊傳
云脹者何祖賁也腥曰脹孰曰燔穀梁義與公羊同周
官大宗伯以脹膳之禮親兄弟之國注云脹膳社稷宗
廟之肉以賜同姓之國同福祿也疏引異義左氏說與
說文同

脰臉縣 馱也

馱古孰字也夏竦古文四聲韻引古孝經孰字如此齊
民要術引倉經云作縣孰法豬肉十斤去皮切嚮蔥白
一升生薑五合橘皮二葉秫三升豉汁五合調和蒸之
各本皆脫縣字北堂書鈔引廣雅脰臉縣孰也衆經音
義卷十五引廣雅脰臉縣孰也今據補內則云魴鱠
烝孟子滕文公篇饋孔子蒸豚烝烝竝與脰通

蓋謂之齏

謂以肉爲菹也義見下文蓋菹也下菹菹蓋並通
各本蓋譌作菹集韻類篇菹或作菹今據以訂正

截膊臠也

說文臠切肉臠也字或作膊呂氏春秋察今篇嘗一膊
肉而知一鑊之味淮南子說山訓膊作臠臠者分割之
名史記司馬相如傳子虛賦將割輪淳集解引郭璞云
膊膊也音臠截之言裁也說文截大臠也曲禮左骹右
截鄭注云骹骨體也截切肉也骹在俎截在豆膊之言
割也卷一云朝斷也說文膊切肉也淮南子繆稱訓同
味而嗜厚膊者必其甘之者
也高誘注云厚膊厚切肉也

臠謂之臠

臠經傳皆作羹爾雅肉謂之羹太平御覽引舊注云肉
有汁曰羹釋名云羹汪也汁汪郎也臠之言汁也字亦
作涪士昏禮大羹涪在羹鄭注云大羹涪煮肉
汁也今文涪作汁少儀云凡羞有涪者不以齊

鱠鱠鮓也

說文煮藏魚也南方謂之鮓北方謂之煮周官庖人共祭祀之好羞鄭注云若荊州之鮓魚青州之蟹胥釋名云鮓菹也以鹽米釀之如菹熟而食之也字竝與煮同春秋衛庾公差字子魚差亦煮字也曲禮鹽曰鹹鮓鮓與煮義亦相近說見釋言煮鹹也下說文鮓煮也一曰大魚爲煮小魚爲鮓玉篇作鮓音才沈才感二切僖三十年左傳注云昌歌昌蒲菹謂之歌猶魚鮓謂之鮓矣說文鮓魚才感同音昌蒲菹謂之歌猶魚鮓謂之鮓矣說文鮓魚陪醬也出蜀中爾雅魚謂之鮓肉謂之醢郭注云鮓鮓屬也

鮓脰膊臄臄肺臄脯也

漢書東方朔傳云乾肉爲脯釋名云脯搏也乾燥相搏著也周官臄人掌乾肉凡田獸之脯臄臄臄之事鄭注云大物解肆乾之謂之乾肉薄析曰脯揜之而施薑桂曰鍛脰臄小物全乾者臄與脰聲近而義同說文臄乾魚尾臄臄也引周官庖人臄臄今本作臄臄鄭衆注云臄乾雉臄乾魚康成注內則與此同籩人朝事之籩其實臄黃白黑形鹽臄鮓魚臄注云臄者析幹之出東海臄各本譌作繡惟影未本皇甫本不譌說文臄胄臄也

漢書貨殖傳濁氏以胃脯而連騎晉灼注云今太官常以十月作沸湯燂羊胃以末椒薑坊之暴使燥是也說文脯薄脯膊之屋上也徐鍇傳云今人謂作脯爲膊脯也方言膊鼻也燕之外郊朝鮮洌水之間凡暴肉謂之膊釋名云膊迫也薄挾肉迫著物使燥也春秋繁露求雨篇云敬進清酒膊脯說文管乾肉也籀文作膾隸作脂釋名云脂乾管也噬嗑六三噬脂肉馬融注云晞於陽而煬於火曰脂肉鄭注脂人云脂之言夕也餘見卷二脂乾也下說文膾無骨脂也揚雄說鳥脂引膾人膾判今本作膾胖鄭衆以膾爲膾肉杜子春以爲夾脊肉康成以爲腓肉大鷄皆與說文異義案膾人所掌皆乾肉之事說文以膾爲脂是也說文食倉所遺也引噬嗑九四噬乾食今本作肺釋文馬云肉有骨謂之肺字林云食倉所遺也一日脯也子夏作脯荀董同鄭衆注周官膳夫云脩脯也釋名云脩縮也乾燥而縮也王風中谷有蕓篇嘆其脩矣毛傳云脩且乾也義與脯脩同說文北方謂易脂曰脩傳曰堯如脂舜如脩士相見禮云擊冬用雉夏用脩內則夏宜脩盧植注云脩雉脩也案卷三云脩久也考工記弓人及其大脩也鄭注云脩猶久也周語厚味實膾毒文選七命注引賈逵云膾久

也言味厚者其毒久是脂脩脍皆久也故肉之久而乾者謂之脂亦謂之脩亦謂之脍矣

臠臠臠臠也

臠字本作臠亦作臠說文臠肉羹也釋名云臠蒿也香氣蒿蒿也鄭注公會大夫禮云脚臠臠今時臠也牛曰脚羊曰臠豕曰臠皆香美之名也臠音呼堯反脚臠臠一聲之轉臠臠聲相近也楚辭招魂露雞臠螭王逸注云有菜曰羹無菜曰臠匡謬正俗云羹之與臠烹煮異齊調和不同非係於菜也說文臠臠也或作煨楚辭招魂酸鴿臠鳧王注云臠小臠也文選曹植名都篇膾鯉臠胎鰕李善注引倉頡解詁云臠少汁臠也說文雋肥肉也雋與臠聲義相近說文臠臠也太平御覽引倉頡解詁云臠臠多滓也賈子匈奴篇云美臠炙臠鹽鐵論散不足篇云穀臠臠羹臠之言肥也禹貢厥土黑墳馬融注云墳有膏肥也義與臠相近說文臠切孰肉內於血中和也字亦作臠釋名云肺臠臠也臠以米糝之如膏鑽也太平御覽引盧譙祭法云四時祠皆用肺臠

百葉謂之臠脰

說文臄牛百葉也一曰傷臄脰或作臄又云脰鳥胃也
莊子庚桑楚篇臄者之有臄脰司馬彪注云臄牛百葉
也周官醢人脾析鄭衆注云脾析牛百葉也士喪禮下
篇注云脾讀爲雞脾臄之脾脾析百葉也內則鴝與鹿
胃注云鴝與脾臄也脾臄與脾脰同臄
脰脾析皆分析之貌故又謂之百葉

胃謂之脰

說文脰牛百葉也徐鍇傳云今俗言肚脰也集韻引
服虔說有角曰脰無角曰肚齊民要術有牛脰炙

肝臄膾膏脂也

鄭注內則云凝者曰脂釋者曰膏玉篇肝臄牛羊脂也
臄與臄同又云膾臄中脂也說文臄牛腸脂也引小雅
信南山篇取其血臄今本作膏郊特牲取臄
膏燔燎注云臄膏腸閒脂也內則肝膏注同

龍須謂之黝

未詳

饊餈羹也

說文饊飯氣蒸也。饊餈皆蒸熟之名。方言云餈自關而東或謂之酢饊。因此以立名也。餘見下條。

饋謂之簞

說文饊滫飯也。或作饋饊。大雅洞酌篇可以饊饊。毛傳云饊饊也。爾雅饋饊稔也。孫炎注云蒸之曰饋。均之曰饊。郭璞注云今呼簞飯爲饋。饋熟爲饊。釋文引字書云饋一蒸米也。又引倉頡篇簞饋也。簞與滫同。簞之言羞也。卷三云羞熟也。

焠謂之炙

玉篇魚音缶火熟也。小雅六月篇魚鼈膾鯉。大雅韓奕篇魚鼈鮮魚。徐邈竝音甫。九反。韓奕箋云魚鼈以火熟之也。魚與魚同。正義引通俗文云燥煮曰魚。禮運燔黍。焠豚。鄭讀焠爲擘。云釋米擘肉加於燒石之上而食之。案焠者焠之。借字焠與燔一聲之轉。皆謂加於火上。也。鹽鐵論散不足篇云古者燔黍食稗而焠豚以相饗。卽

用禮運
之文

麩麥謂之麩

釋言云麩麩食也玉篇麩麩也或作麩唐本草注云米
麥麩蒸米麥熬磨作之一名麩易林賁之震云覓過稻
廬甘樂麩麩玉篇麩充小切麩麩
聲相近猶今人言炒也說見下條

糗糒糒也

說文糒乾飯也史記李將軍傳云大將軍使長史持糒
醪遺廣說文糗熬米麥也柴蕃時乃糗糧鄭注云糗搗
熬穀也周官籩人糗餌粉羞鄭衆注云糗熬大豆與米
也昭二十五年公羊傳敢致糗于從者何休注云糗糒
也糗糒皆乾也王篇糗音邱九尺沼二切糗之言炒糒
之言儻也方言凡以火而乾五穀之類關西隴冀以往
謂之糒秦晉之間或謂之熬熬與炒同鄭注籩人云鮑
者於糒室中糗乾之糒與儻同程氏易疇通藝錄云糗
有搗粉者有未搗粉者籩實之糒黃白黑其糗之未搗
粉者與既夕篇之四籩棗糗栗脯直呼糗餌爲糗則已

搗之糗粉於餌者也其已搗粉之糗可和水而服之者若今北方之麩茶南方之麩麩皆其類也其未搗粉而亦可和水者則鄭氏注六飲之涼云今寒粥若糗飯雜木是也糗本作餼小雅伐木篇云乾餼以愆大雅公劉篇云乃裹餼糧爾雅餼食也說文餼乾食也徐鍇傳云今人謂飯乾爲餼

桴梳糗餼也

說文餼熬稻張皇也急就篇棗杏瓜棟餼飴餼師古注云餼之言散也熬稻米飯使發散也桴梳之言浮流糗之言疏皆分散之貌也北戶錄注引證俗音云今江南呼餼飯已煎米以糖餅之者爲桴梳

麩麩糗糜糗也

糗通作屑糗之言屑屑也玉篇糗碎米也廣韻云米麥破也說文糗粲也粲糗散之也糗與糗古聲義竝同麩之言瑣瑣也說文麩小麥屑之覈也齊民要術引四民月令云夏至後糗麩麩麩之言濛濛也下文麩謂之麩義相近也說文麩麥覈屑也十斤爲三斗九章算術粟米章云小麩率十三半大麩率五十四糜之言糜細

也米麥屑謂之糜猶玉屑謂之糜楚辭
離騷精瓊糜以爲糝王逸注云糜屑也

糝謂之麩

太平御覽引倉頡解詁云麩細麩也說文
麩麥末也糝麩也麩麩語之轉糝猶末也

孰食謂之餒

餒讀若煇小雅祈父篇有母之尸饗毛傳云熟食曰饗
大東篇有饗簋煇傳云煇熟食也合言之則曰煇饗周
官外饗云賓客之煇饗會之事是也昭二十五年公
羊傳餒饗未就何休注云餒熟食饗熟肉餒饗卽煇
淮南子道應訓釐負羈遺之壺餒而加璧焉壺餒卽壺
煇是煇餒古通用倒言之則曰饗煇孟子滕文公篇饗
煇而治是也

饒饒餒餒餌也

說文鬻粉餅也或作餌釋名云餌而也相黏而也餒曹
憲音高今本方言餌謂之餒或謂之眷或謂之餒或謂

之饒或謂之飢太平御覽引方言饒作饒又引郭注音
恙玉篇饒餘障切餅也廣韻同集韻引方言饒餅也或
作饒與廣雅及今本方言皆異未知孰是說文查稻餅
也或作饒乘釋名云查漬也蒸糝屑使相潤漬餅之也
周官籩人糗餌粉沬鄭注云此二物皆粉稻米黍米所
爲也合蒸曰餅餅之曰沬疏云今之查糕名出於此高
誘注呂氏春秋仲秋紀云今之八月比戶賜高年鳩杖
粉柔飢之言圍也今人通呼餅之圍者爲飢程氏易疇
云今吾歙猶呼
社查爲社饒

餛飩餒餒餒餒也

急就篇云棗杏瓜棟餛飩餒餒說文餒餒和餛也方言凡
餒謂之餒自關而東陳楚宋衛之間通語也釋名云餒
洋也煮米消爛洋洋然也方言餒謂之餒餒郭注云卽
乾餒也周頌有瞽釋文正義引方言竝作張皇楚辭招
魂粒枚寢餌有餛飩些王逸注云餛飩餒也餒各本譌
作根今訂正內則云棗栗餒寢以甘之說文餒米漿煎
也釋名云餒小弱於餒形怡怡然也方言餒
謂之餒又云餒謂之餒注云江東皆言餒

餽謂之餽

方言餽謂之餽注云以豆屑雜餒也說文登豆餽也大平御覽引倉頡解詁云餽餽中著豆屑也餽與登同淮南子時則訓天子衣苑黃高誘注云苑讀登餽之登

飭餼粘糲秫粥粳糜穀糲餼也

餼玉篇音之延切說文餼糜也周謂之餼宋衛謂之餼僖二十八年左傳甯子職納橐餼焉杜預注與說文同飭玉篇音記言切說文餼糲也或作餼飭餼孟子滕文公篇飭粥之食趙岐注云飭磨粥也荀子禮論篇酒醴餼糲竝字異而義同餼玉篇音居六切飭餼語之轉餼亦語之轉糲之爲餼猶餼之爲飭方俗音有侈弇耳粘之言曼胡也爾雅餼餼也說文糲餼也字竝與粘同糲之言微秫之言末也玉篇稊粥糲也或作糲說文驚雅謂驚爲驚或作糲麩謂之糲餼謂之驚義相近也爾雅驚糜也昭七年左傳釋文引孫炎注云悼糜也說文驚健也俗省作粥釋名云粥懼於糜粥粥然也糲亦糜也月令行糜粥飲會淮南子時則訓作糲說文糜糲